

معهد التعويضات السنوية

مدة الدراسة : سنتان بيطلبوا مجموع بين ٢١٠ و ٢٢٠ و هالشي بيرجع حسب المفاضله

-التعويضات عبارة عن فرع من طب الاسنان او فرع بيكمل طب الاسنان يعني عمل طبيب الاسنان ما بيكمل الا بالمخبري (حضرتك)

يعني بمعادلة دكتور +مخبري =شغل تمام وابتسامه جميله .

- **بالسنة الاولى** بتكون المواد خفيفة فيها قسم نظري وقسم عملي ومن هي المواد :

١-**تشريح الاسنان :** هي المادة بيطلع الصابون من عيونك لانك بتنحت الاسنان ع الصابون لتتعلم شكل السن ومعالمو التشريحية

٢-**تيجان وجسور :** مادة مهمة للمستقبل وهي عبارة عن تشكيل الاسنان بواسطة الشمع

٣-**التعويضات الكاملة :** يعني بالعامية بدلات

٤-**التعويضات الجزئية :** كمان بدلات بس الفرق بينها وبين الكاملة انو الكاملة ما بيكون ولا سن وانت بتعبي الفراغ (بتعمل بدلة بكل الاسنان) اما الجزئية بيكون في اسنان او

كم سن وانت بتكمل الباقي .

وفي مواد بس نظري بدون عملي مثل : مواد سنوية -الصحة العامة والطب الوقائي -انكليزي -عربي - قومية .

بالسنة الثانية :

المواد يللي بتكون بالاولى فيها قسم نظري وعملي بتصير بس عملي لانو انت بتكون حفظت النظري واجا وقت التطبيق العملي وبتضاف عليهم مادتين يعتبرو

دسمين شوي وهنن التقويم والخزف .

-الدراسة اغلبها من الكتب وفي كم مادة ممكن تكون محاضرات من قبل الدكاترة

-الطالب بالمعهد لازم يكون انسان نشيط ومثابر وصبوور جداً لانو الشغل بيطلب وقت واغلب الاحيان مراحل متعددة وكمان لازم يشتغل ع حالو ويتعب

ليتقن فنون الصناعة واكيد لازم يكون عنده لمسة فنية ليبدع ويتميز عن الباقيين ويكون بالقمة .

-الدوام يعتبر اطول دوام بين المعاهد وجلساتو ورا بعض .

-بالنسبة للمواد المستخدمة غالية ومكلفة بس ممكن شراء المستعمل بقيمة اقل .

-**الاولى على الدفعة** بيترفعو على كلية طب الاسنان سنة تانية بس بيحملوك ٤ مواد من السنة الاولى

-بعد التخرج بتحصل على شهادة الدبلوم التقائي لمعهد طب الاسنان قسم التعويضات هون صار فيك

تفتح مخبر لحسابك الشخصي "" **التعويضات ذهب** ""

كثير بتسمعا قبل تدرس بالمعهد، بحب خبرك انو الذهب بالتعويضات بيعتمد ع شطارتك ومهارتك
سواء بالشغل او باكتساب الدكتوراة

-ملاحظات :

١-المخابر كتيرة بس الاسماء المتألقة قليلة فاسعى انك تكون منهم

٢-التعويضات فرع بدو شغل وتعب وفي شغلات ممكن تكون صعبة ع البنات مثل صب المعدن
وبالمقابل في شغلات بسيطة ومرتبة مثل شغل الخزف

٣-التميز بالمعهد كمان بيتميز بالكلية

إعداد الطالب : محمد عفاره

خطوات التعليميه